

四庫全書

集部

欽定四庫全書

集部

初寮集卷一

詳校官庶吉士<sub>臣</sub>張溥

侍讀臣孫球覆勘

謄錄監生<sub>臣</sub>郭墉

欽定四庫全書

集部四

提要

初寮集八卷

別集類三 宋

臣等謹案初寮集八卷宋王安中撰安中字

履道中山曲陽人登進士第累擢尚書左丞

出知燕山府除大名尹兼北京留守司公事

靖康初安置象州紹興初復左中大夫卒事

蹟具宋史本傳安中以詞藻擅名而行誼甚

為紕繆陳振孫書錄解題稱其少時嘗師事  
蘇軾于定武未卒業而軾去會晁說之為無  
極令復往執弟子禮說之勗以為學當慎初  
之旨因築室榜曰初寮其間見議論得于說  
之為多及後貴顯遂諱晁學但稱成州使君  
四丈無復先生之號今考集中多直呼說之  
為晁以道與振孫言相合其能薄已可概見  
史稱其以作瑞應表受知徽宗考蔡條鐵圍

山叢談實由諂事梁師成以進幼老春秋又稱  
其交結蔡攸引入禁中則奔競無耻更為小  
人之尤史又稱其附和童貫王黼贊成復燕  
之議又身自請行規措失當招納叛亡挑釁  
強隣禍貽宗社則悞國之罪尤為深重然其  
詩文豐潤凝重頗不類其為人四六諸作尤  
為雅麗史稱徽宗嘗宴睿謨殿安中賦百韻  
詩紀事令大書殿屏仍以副本分賜侍臣王

明清揮麈後錄載其詩周煇清波雜志又補載其序皆盛相推挹張邦基墨莊漫錄又載其立春帖子稱以才華清麗其人雖至不足道而文章富瞻要有未可盡泯者錄而傳之亦不以人廢言之義也其集見于本傳者七十六卷晁公武讀書志止作十卷趙希弁附志則作前集四十卷後集十卷又內外制二十六卷與史傳目次相符自明以來久佚不

見今從永樂大典採掇裒次尚得詩文數百  
篇周必大序稱安中送其曾大父詩不論與  
汝小一月政自容君數百人句又楊萬里誠  
齋詩話稱安中行余深少宰制仰惟前代守  
文為難相我受民非賢不又句又在象州思  
鄉里作文有萬里邱墳草木牛羊之踐履百  
年鄉社室家風雨之飄搖等句今俱不見于  
集中是其散佚尚多然蒐羅什一猶可考見

崖畧謹釐為八卷而仍以李邴周必大周紫芝原序三篇冠之卷首以存其舊焉乾隆四十六年九月恭校上

總纂官

臣紀昀

臣陸錫熊

臣孫士毅

總校官

臣陸費墀



初寮集原序

一代文章必有宗惟名世者得其傳天生斯人固已不  
數向非君師作而成之則其道不墜者幾希若稽本朝  
太祖以神武基王業文治興斯文一傳為太宗翰林王  
公元之出焉再傳為真宗楊文公大年出焉長養尊用  
風示學者雖間以剛直被排斥而眷顧終不少衰至於  
仁宗英宗神宗然後異才充滿中外其傑出如歐陽文  
忠公又逢時得政同心德於三朝閱八年之久相與化

成天下功不少矣故其門人高第尤多惟東坡蘇公崛起西蜀嘉祐收以異科治平欲躡真翰苑熙寧首待以國士及遇哲宗遂光顯於朝中間小人敲撼挫撓欲殺不果者天意也上賜也晚守中山尚書左丞王公世家是邦博學工文詞年十六即貢京師後二年坡至奇之公亦自謂得師也明年坡南遷不能卒業公尋登第闕初寮精舍日夜讀書著文年二十有七游五臺為竹林泉賦以將相喻泉石格高而意新送某曾大父詩云不

論與汝小一月政自容君數百人專用吾宗公瑾伯仁  
事致推尊年德之意精切混成不類少作時方諱言蘇  
學而公已潛啓其祕鑰久之徽宗旁求文士召寘館閣  
給札親試驟掌書命由中司入北門歷二轄其制誥表  
章詩文大率雅重溫潤而時發秀傑之語定功繼伐等  
碑審謨曲宴百韻詩多出特命上恩與天通矣萬目睽  
睽徒謂其鶴鳴九臯而不知奪胎換骨自有仙手故未  
嘗以曲學指之今前集四十卷是也洎中興南渡四海

名勝遷謫避地萃於湖廣而公壻趙奇子辟章又家之  
游夏大篇短章更唱迭和即已盡發平昔之所蘊且復  
躬閱事物之變益以江山之助心與境會意隨辭達韻  
遇險而反夷事積故而逾新他人瞠乎其後我乃綽有  
餘裕至如桂柳佛寺諸記閎深辯麗近坡暮年之作黃  
張晁秦既沒系文統接墜緒誰出公右豈止襲其裳佩  
其環而已今後集十卷是也初公與先大父同為元符  
庚辰進士政和中公典貢舉擢先公第二故公季子承

議郎辟綱及公孫刑部侍郎拒曾孫令龜守宗孟繼以  
集序為請久負諾責夫豈無說蓋公內制十八卷外制  
八卷李文敏公漢老實題其首且謂公天才英邁筆力  
有餘於文於詩皆瓌奇高妙無所不能用是序公全書  
所謂一言以蔽之者某尚何所伸其喙若夫本天人之  
相因考源流之所自以申敘累世之契好而告諸來者  
則不敢辭也公諱安中字履道享年若干後學尊之曰  
初寮先生故以名集慶元六年二月日周必大撰

徽宗皇帝在位歲久文士詩人一時輩出不減元和長慶間人物如參政翟公待制韓公翰林汪公初寮先生王公皆以文辭自顯號為傑出不可跂及者餘未易殫數也初寮蓋文健而深詩麗而雅至於制詔渾厚足以風動四方則李公漢老以為當承平之世多褒揚粉澤之詞使傷居爾體痛在朕躬不得施於戰士勿為子孫之謀更存輔車之勢不得加於叛國嗚呼其盡之矣自往至今幾三十年諸公之墓木何止拱把讀之使人想見

當時文采風流之勝劉夢得云休唱內前供奉曲貞元  
朝士已無多是亦足以為初寮之嘆也周紫芝撰





初寮集序略

案此序蓋初寮內外制專集也內外制今不存唯此序見於永樂大典今附載於此

本朝承五季之後楊劉之學盛於一時其裁割纂組之工極矣石介憤然以楊公破碎聖人為世巨害著論排之甚力然當時文宗鉅儒司翰墨之職者亦必循本朝故事如近世張公安道高簡粹純王公禹玉溫潤典裁元公厚之精麗穩密蘇東坡先生雄深秀偉皆制詞之傑然者譬之王良造父策驥騄而騁康莊一日千里而節以和鑾馳之蟻封亦必中度豈能彼而不能此哉初

寮先生太保王公自布衣文稱天下由東觀入掖垣由  
烏府登鼇禁皆天下第一選司內外制者累年其所製  
體大而義嚴事覈而旨深奇而不失正雄而不為夸褒  
勲勞則布帶礪丹青之信施需宥則有雨露涵濡之澤  
文治平則祥極乎鳳麟申戒飭則誠著乎金石嘉武節  
則毅乎彪虎之威美文德則昭乎藻火之華皆極其致  
蓋與本朝三數公不相上下而馳驟乎燕許常楊之域  
若不以體製拘之駸駸乎漢氏矣蓋公天才英邁筆力

有餘於文於詩皆瓌奇高妙無所不能故出為世用者  
如此自徽宗皇帝即位以來擅制誥之美者公一人而  
已得不謂一代之奇文歟雲龕李邴撰

--	--	--	--	--	--	--	--

欽定四庫全書卷

初寮集卷一

宋 王安中 撰

頌

擬進天應頌一首

有序

臣讀大雅皇矣上帝監觀四方之篇稱帝謂文王者  
三竊知聖人之德上通於天則精神允格靈眷昭答  
雖不諄諄然命之而啓迪感發之意固以明告絜著  
惟聖人克知上帝之心於無聲之中得其所言於

是寤寐祇恪面稽天若故福祿茂盛基緒綿永用光  
裕於無窮雖然眷西顧而與宅立厥配而省山帝之  
所以寵綏文王者如是而已固未有高靈下墮白日  
顯行之殊尤卓特也比者皇帝陛下恭修大報自宮  
徂郊天真來臨虛闕湧起衣冠仗衛旌旗輦路畢出  
於雲際宸翰紀述既極昭回之光節名誕播具孚中  
外之聽若夫子帝其訓則炳乎其不可默已謹拜手  
稽首而言曰昔者大易肇判人羣憧憧陰陽并毗山

川環互蓁萊叢蔚蹄跡交貫有聖人作於是佃漁耒耨之利施舟楫杙臼之用講裳冕辯等璽衡明信首義軼軒系唐跨虞賡以夏姒承以商乙緝綴闡揚至於有周而後庶事備贏劉搶攘道術澶漫降斯草創置不足論帝用嗇於眷佑閔厥休祉孕藏儲毓以俟有道李宗宕跌仍世多盜五季仆起若不須臾三靈宅心並屬於我有宋藝祖以神武勇智拱揖而立帝祚奮張揮斥振八紘而來之圻封紆餘外薄於海德

風膏澤時節流行兵休於屯而無所庸人尸其生而無所懾聖聖相授與天同仁簡刑崇寬羣黎率俾橐戟鞘劒四夷稽服士有父祖相授之學野無尺寸不毛之田道之將興萬世一運神宗皇帝以天縱之聖御物昌之會沛然遠覽濬發獨智窮妙道於決裂之後得名儒於隱約之中擺落因仍全法三代以經術造士以保伍寓兵以義理財以事建官以威信馭戎以力政弛役衆制具定垂為永久天厚聖緒世重其



華皇帝陛下聖學精微深惟堯舜之道孝悌而已迺  
通追元豐之制作永懷昭廟之紹述睦族以厚風俗  
興學以明人倫仁先窮民惠及露齒禮備於萬物之  
富樂成以四氣之和巍巍煌煌蓋成周不足進已故  
神鼎成而甘露零大晟奏而靈羽至榮光出海而澄波  
紺澈真符韞石而圭瑞告成雲呈紛郁之五色日見  
戴承之二氣雙葩駢沼同穎薦瓏期應紹至史不絕  
書是宜顧懷精純親德嚮道雲車風馬來止來享竊

惟上天無心惟民是視元聖體道天則弗違天人之  
相通久矣故西雒東岱耆老士庶連袂扣閣以巡幸  
封祀為請昔者章聖皇帝既膺寶命席丕平朝饗三陵  
伸奉先之孝肆覲東后展勒崇之典謁教父於亳社  
歆皇祇於汾壤夫修道以錫符奉符以行事不為進  
越也皇帝陛下研幾象以觀妙道之原參稽羣言當既  
有成議矣敢因天應立節之詔輒獻頌以廣之頌曰  
太極肇分天人異位惟皇上帝陶毓萬類帝居崇高其

視自民孰為司牧統和神人於赫有宋世世修德藝祖  
配天經綸開闢天付所覆全有四國乾行坤承民以靜  
一太宗睿明恩醲變伐受命既固道化孚洽章聖纂服  
昊天其子曠典備舉焜燿永世仁宗繼體治極無為隆  
寬博愛如春之熙英廟入嗣奄宅丕后慶元靈長克昌  
厥後巍巍神考天錫勇智學窮幾微道探本始睥睨百  
代駁無足議取成詩書弗約而契迺登鴻儒迺籲衆俊  
法度是飭經術是訓族懷於恩官嚴其分財用內豐威

武外奮泰陵英斷駿惠不忘昭哉嗣服率由舊章皇帝  
孝弟克承先烈聖學光明睿文秀發論據經術事稽熙  
豐賓興賢能子惠困窮仁充天壤威懾夷戎八玉鎮邦  
九金象物山川億寧動植咸若康年屢臻禮備樂作和  
平之氣發於休祥澄波効祉景曜舒光苑木連理池蓮  
駢芳五色映空三秀峩房嘉禾秋薦甘露宵零羽毛之  
瑞金石之英所在輒聞來獻充庭班賀相踵史書不停  
惟時皇帝肅舉明禋於國之南專事天神其執伊何玄

色之圭其陳伊何三代盤匝既裸太室時秉玉輅自宮  
徂郊侍臣駟馭雲氣虛明舜瞳先睹樓閣重複仗衛森  
布湧空十丈浩無央數日升於東氛氲四開麟車鳳輦  
倏忽往來衣袂粲錯冠弁崔嵬葩華葆羽擁植徘徊僕  
正虎士仰望俯拜萬夫注觀不隔纖靄上心齋莊哀時  
之對曰帝予臨予敢弗戒升禋慶成敷錫時福親御翰  
墨次第紀錄神藻陸離天真在目肆頒節名詔旨恭肅  
惟帝來格事超振古帝意明甚若相告語帝初何言著

於率土帝謂吾皇聖孝感通克底於道文考之功帝謂  
吾皇制作大定鋪張闋休莫斯為盛帝謂吾皇宜考諸  
禮奉符行事對越天地祖宗在天寢兆維維往古太平  
其亟商度舒德發號勒功喬嶽觀風納賈展采汾亳帝  
謂吾皇勿抑勿遲九敘既歌萬物由儀神祇祖考有待  
茲時皇帝曰嘻羣臣是咨羣臣稽首天且弗違天真之  
臨以啓上心曠日未議申命於今鶴來觀闕竹實出谷  
檜附玉芝雀生金鷄靈龜六眸天獸一角嘉瑞沓至理

則昭晰惟聖憲天惟天從欲皇帝曰俞順帝之則時邁  
其邦予敢弗力爾其輔予各揚乃職對天之休享祐永  
極

詩

睿謨殿曲宴詩

并序

臣比蒙聖恩召赴禁殿曲燕其日垂拱奏事退俟於  
睿謨外次花巾絲履進自東序促武再拜陞即坐席  
女樂數十陳於殿庭南端袍帶鮮澤行綴嚴整酒行

歌起音節清亮樂作舞入聲度閑美俱出於禁坊法  
部之右於時臘雪新霽風日妍暖已作春意御榻之  
前有寶檻植千葉桃花陛下指示羣臣曰杪冬隆寒  
花已盛開於是皆頓首曰陛下神聖能回造化草木  
實被生成之賜乃先時呈瑞以悅聖情日既中昃甫  
畢初筵有旨許登景龍樓由穆清廡外閣道以升東  
望艮嶽松竹蒼然南眎琳宮雲煙絢爛其北則清江  
長橋宛若物外都人百萬遨樂樓下歡聲四起尤足



以見太平屢豐之象羣臣頌歎久之既夕復詔觀燈  
於穆清遂侍飲於平成萬炬層出彌望不極如星掛  
空而光彩動搖於雲海濤波之上戶牖屏柱茶牀燎  
爐皆五色琉璃綴以夜光火齊照曜璀璨縱觀環繞  
則又覩合宮蕭臺崇樓傑閣森羅布護羣臣心目震  
駭莫有能測其機緘制作之妙者已而陪從天步至  
會寧殿瓊鋪珠箔合沓炳煥其所陳列則虞敦夏鼎  
商盤紀甌龍文夔首雲雷科斗真若邃古三代之物

陛下既御黼坐親取寶器酌酒臨勸命宮嬪奏細樂  
於前玉食嘉果南珍海錯手自分賜載色載笑雍容  
無間羣臣飲德莫不霑醉夜分乃散歸路觀者如堵  
他日稱謝陛下申諭一二輔臣俾作詩以紀而臣某  
預焉臣猥以凡材蒙陛下親擢備位政府曾未閱月  
有此非常之遇形容頌述雖無詔旨猶當自効惟鈞  
天帝所昔人夢寐或至形開而神悟想象莫及而臣  
今者身歷遂嚴目擊奇勝顧嘗以文字誤被聖獎且

面命之其榮至矣謹齋沐課成百韻五言律詩一首  
繕寫上進冒黷天威臣不勝震越之至

上帝通明闕神霄廣愛天九光環日月五色麗雲煙紫  
宙開三極瓊瑤列萬仙希夷塵境斷髣髴玉經傳妙道  
逢昌運真王撫契賢龜圖規大壯龍位正純乾宮昊親  
無間皇居掇自然剛風同變化梵氣共陶甄層觀星潢  
上重闥斗柄邊摩空七雉峻冠嶠六鼇連夢想何嘗到  
階升信有緣昕朝初放仗密燕忽聞宣清禁來鳴佩修

廊列並肩獸鋪金半闔鸞障繡微寒霽景流庭砌雷文  
繪栢挺宮簾波錦漾殿榜字金填花擁巍巍座香浮秩  
秩筵高呼稱萬億韶奏侍三千華歲稱堯厯元璣候舜  
璿冰霜知臘後梅柳認春前造化應呈巧芳菲已鬪妍  
樛枝琬檻小多葉露桃鮮錯落飛杯竿鏘洋雜管絃承  
雲歌歷歷回雪舞翩翩黼幄祥氛合銅壺永漏延鎬京  
方置醴義馭自停鞭乃聖情彌渥諸臣意更虔宗藩親  
魯衛相蒂拱闕顛側弁恩光浹中觴詔蹕旋寶璽携滿

袖御果得加邊要賞嬉遊盛俄追步武端騰身複道表  
送目夾城堧仰揖蒼龍象旁臨良嶽巔謳謠紛廣陌簫  
鼓樂豐年赫奕攢輪憶珍奇集市鄺博盧多袒跣飲肆  
競踰蹀躞蕃行開朱邸崔嵬照彩椽橋虹彎蟲蟲江練泮  
濺濺擊柝周廬晚張燈別院先餘霞搖綺暈列宿瀉珠  
躔浩蕩三山島稜層十丈蓮再趨天北極却立榻東偏  
既用家人禮仍占聖製篇兕觥從酩酊蟾魄待嬋娟轉  
盼隨親指環觀得縱穿曲屏紅浪撼巨柱赤虬纏光透

垂葩井晶銜帶壁錢蕭臺千級峻重屋八窗全就席花  
墩匝行尊紫袖揜交輝方爍爍起立復闐闐邃宇會  
過中宵勝賞專鋪陳尤有韻清雅不相沿戶箔明瓊串  
欄釭水碧捲規模商甌鑄欵識魯壺鐫秦曲移箏雁唐  
粧儼鬢蟬窄襟珠綴領高朵翠為鈿喜氣排寒沍輕颺  
洒靜便層牀藉璣組方鼎炷龍涎瑪瑙供盤大玻瓈琢  
琰圓暖金傾小榼屑玉釀新泉帝子天材異英姿棣萼  
聯頻看揮斗盃端是吸鯨川推食俱均逮攘餐及墮捐

海螯初破殼江柱乍離淵寧數披綿雀休論縮項鰯南  
珍誇釘餠北饌厭烹煎賜橘懷潁卯酤醕寶船言歸  
荷慈惠末節笑拘攣放鑰嚴扉啓籠紗逸足牽冰輪掛  
銀漢夜色映華韉人識重熙象功繫獨斷權五辰今不  
忒六氣永無愆天紀承三古時雍變八埏比閭增版籍  
疆場罷戈鋌文軌包夷夏弦歌徧幅員恢儒榮藻苑作  
士極魚鳶肯構詒謀顯多男景祚綿迂衡常穆穆遵路  
益平平亭障今踰隴耕耘久際燕恩漸鯨海漲威竄犬

卷一  
戎糴東擬封云岱西將款澗瀍琳科宣慈笈王府下雲  
軒帝籍勤初播宮蠶長自眠繭絲登六寢稔米秀中田  
廟鶴垂昭假壇光監吉蠲靈芝滋菌蠢甘醴湧潺湲合  
教龐風革頒經衆疾痊雨隨親禱降河避上流遷執契  
皇猷洽披圖福物駢太和輸橐籥妙用絕蹄筌此會君  
臣悅應光簡冊編雅稱魚罩罩頌述鼓咽咽詎比千齡  
遇猶聞四始箋羈臣起韋布陋質愧駕鉛驟俾陪機政  
由來出眷憐恩方拜綸綍報未効塵涓密席叨臨勸凡



蹤第曲拳雖無三峽水曾步八花塲聖諭知難稱才慙

合勉旃鈞天思盡賦賸續白雲賡

清波雜志初寮進曲宴詩序云臣比蒙聖

恩召赴禁殿曲宴云云其榮至矣後尚有二十餘字常詞也書之以見國家閒暇湛露惠慈之盛賞賚之序亦若是焉曾端伯得於李漢老之子云曲宴詩乃其父所作劉季高云乃王履道也曾以疑焉以此序考之何疑有之

宣和七年九月二十三日睿謨殿賞橘曲燕詩

并序

臣近者伏蒙聖慈以九秋既杪四海告豐申惠羣工

特均燕衍於時天宇澄霽日景晏溫帝居九重和氣  
充塞大昕之初羣臣已集睿謨外廡趣入就列花巾  
絲絢拜手即坐聖顏悅豫咫尺不違天支蕃昌佩玉  
在席燕越鄆國而下凡十真王公槐相袞運逢千一  
並受其福亦多世顯同升之盛雲韶在庭行綴翼翼  
歌音舞節俱出禁坊法部之右屬后亦薦瑞植物效  
珍嘉橘瓊橙近秀禁籞肇自元豐之手種仍沐宣和  
之膏澤金苞翠葉磊落璀璨非湘江楚澤下土之產

所能髣髴就摘分嘗香襲懷袖初筵已秩清蹕再傳  
珠箔輕明嬪御中出翠鋪高朵金泥窄袂寶帶玉貝  
瓊瑤瑤瑟端如遊閬風拱霄極親聽雲和九鈞之妙  
御榻之左則上方之寶器在焉觀者進云此碧落空  
歌大浮黎物也既稱億萬歲壽笑語無間臨勸不名  
海錯南珍手自傳賜上親諭羣臣曰太平無事飲酒  
豈樂茲惟其時期以夜分極懽盡醉乃散臣某歸自  
朔方預叨齒召天語念在并詔以內修外攘綏萬邦

卷一  
屢豐年之意俾奏篇紀事臣頃以不腆之文仰誤殊  
獎歸美報上乃臣本志敢不控竭蕪陋仰塞隆旨謹  
齋沐課成五言百韻律詩一首繕寫上進冒瀆天威  
臣無任

赤伏符興運長生帝應期駿功光祖考大道仰君師皇  
極三才建春臺四海熙高高天輔德蕩蕩物由儀政叶  
陰陽敘恩均雨露施機緘神不測橐籥化無私黃道星  
循軌璿璣日轉規農祥朝自正膏澤夜還滋耕首天田

稼蠶先繭館絲云誰知帝力初弗奪民時嘉種今仍降  
來牟此獨貽上方輕賦斂人益勸耘耔陸播顏寧汗谿  
秧手任龜雨暘常不過高下兩俱宜壠靜無稂莠場登  
足拒枉地腴從再易倉富必千斯已覺饒儲恃何妨飽  
滯遺滴珠香社釀春玉滑晨炊廩廩連淮上帆檣塞汴  
湄人和通缺斛家積等京坻歲事豐如此天心喜可知  
肅霜時既屆夷則律初吹坐弛輸邊粟先共饗帝梁遂  
蠲陽館薦將迂泰壇釐要與民同樂還開宴示慈紫清

三境邃玉府九重披仙掌擎霄露宮樓上曉曦明河臨  
睥睨魁斗下果愚鼇負蓬萊殿鯨噴太液池隔城花隱  
隱夾路竹猗猗帝所迷從嚮壺中入並隨睿謨深寶構  
延福表雲楣象緯層霄逼堪輿一氣移風簾珠的皪霜  
瓦碧參差流步來清蹕飄香度赤墀袍光明霽色扇影  
弄涼颼御坐花巾擁雲韶紫袖坐僊音鏘杳眇顯氣變  
融怡師保周兼召鈞衡稷與夔萬幾當暇豫一笑奉疇  
咨介弟榮華鄂多男茂本支維城扶慶運聯璧秀英姿

嘉橘爭先睹瓊橙復共持瓊漿封盎盎金彈間累累禹  
服分三壤湘江接九嶷移根來上苑薦瑞自柔示託質  
依天咫懷馨脫海涯生成因道廕造化豈人為嚴靚侔  
衣鞠鮮濃類染梔陽烏飛啄卵崖蜜熟凝脾不數千頭  
富應容四老嬉桃嗤西母獻萍辨楚人疑沆瀣溥涼葉  
琅玕折曉枝霧霏先嚙鼻香潤已熏肌君賜來相續皇  
恩厚不貲觴行筵秩秩樂闕漏遲遲戶響鏗銅獸庭陰  
過玉螭畫廊尋宛轉雜珮步逶迤預許留闔鑰重升促

履綦再中占漢日八彩望堯眉器寶森羅列虹輝紫陸  
離截肪傳琖竿盈尺捧舟藝碧落天之秘監田地所奇  
連城寧復貴曠代未嘗窺冰瑩玻璃瓊雲承翡翠卮萬  
絲紫瑪瑙五色碾琉璃起立紛行綴環觀略等衰歡悰  
溟渤隘飲興岱嵩卑御手殮頻輟宮餅酒屢釀翠鈿來  
婉孌珠袂列歲時閭苑花常爛姑山物不疵流鶯歌緩  
緩么鳳舞僛僛別按新傳曲仍聽絕妙詞共看賓醉止  
那問夜何其蓮炬光相屬星聯弁欲敬酡顏回紫闥歸



路躍金羈謳詠聲盈耳鋪張說解頤肇從書契數卓冠  
簡編推天紀承軒后河圖受宓義文心仍翼翼舜善益  
孳孳聖治寧人繼淳風邃古追飛輪諸福至投札九州  
馳震疊湯聲赫威懷武烈丕歛金符誓牧豕鼓兆蒐岐  
神力天山箭祥飈太一旗燕雲恢北落靈夏懾西陲曩  
歲蒙推擇新邦往撫綏宸篇麗雲漢儒服擁旌麾乘鄣  
逾千里留屯閱再朞丹衷忘險阻白首分捐糜井邑今  
安業衣冠頗變夷買牛從漢吏牧馬絕胡兒田熟營平

老兵休定遠疲釣天猶夢到魏闕倏來思紫詔遙三節  
紅塵踏九遠載前宣室席復侍邇英帷飲御陪胥樂勤  
歸獨念茲喜霑魚藻惠許賦柏梁詩愧乏凌雲筆徒傾  
向日葵揚休稱萬壽永御太平基

進和御製艮嶽曲宴詩

并序

臣伏蒙聖慈以海宇乂安機務清簡召赴艮嶽觀賞  
春候妍暖景物奇勝天造地設名言莫及上尊韻果  
南珍海錯寵賜絡繹宣勸稠重羣臣荷眷之隆遂皆

霑醉退歸想像恍如嘗至清都玉府彤雲紫霧雖髣髴在目然已不知其路之所從入矣恭覩聖製仍許進和謹齋沐牽課仰塞詔旨塵黷睿覽臣無任震惕之至

柳暗宮城暈麴塵行穿飛觀認敷春天垂千尺銀河外雲湧三山碧海濱地勝煙霞開浩劫花濃雨露近中宸曲江弭櫂歸侵夜爭看升平際遇人

艮嶽進和御製二詩

雲峰面面巧隨人  
淥淨兼無一點塵  
開盡巖英并澗蕊  
君王自與物為春

南苞雄艷貢驚春  
造化爭先物物新  
鏤管裁詩天語妙  
翠巖頒醴聖恩頻

重和春宴口號

政布青陽左个邊  
春回太極五門前  
琳宮就講三千士  
瓊籙聯名八百仙  
午夜雷霆來艮岳  
東風耒耜出天田  
頒觴紫殿君臣樂  
萬紀重和第二年

進和聖製元夕詩

并序

臣伏蒙宣示御製觀燈詩仍許和進臣竊聞都城父老皆曰元夕之盛未有如今歲者蓋道化昭格四海屢豐比自立春嘉澤霑浹和風應律河流通駛况復闕庭神麗端樓鼎新五門張燈實始於此臣敢采民謠仰賡聖韻塵瀆睿覽臣無任震越之至

斗城雲接始青天  
汴水浮春放洛川  
繒嶽千峯延璧月  
珠簾十里晃燈蓮  
五門端闕初元夕  
萬厯宣和第二年

聖世親逢叨四近  
頒觴連日綴羣賢

進和御製幸太學祕書省詩

并序

臣恭覩陛下臨幸祕書省觀列聖神筆及三代鼎彝  
二王行草異書名畫并以萬幾餘暇所書千文十體  
與夫寫物賦形之妙分賚羣臣移蹕賢闕款謁宣聖  
次御經幄俯聽講說親紆天步臨觀齋廡右文宗儒  
之盛千載一遇九州四海聞風呼舞今蒙宣示御製  
詩仍許輔臣進和臣謹控竭燕陋仰賡聖作干冒天

威臣無任

九譯何難致越裳太平聲教陋成康千年文物儲天祿  
四海英髦聚國庠冊府緩留清蹕響儒齋深映赭袍光  
侍臣誰草宣和頌落筆爭看立堵牆

進和御製芸館二詩

并序

臣日者扈蹕蕃衍被旨許至芸館及遍歷溪山之勝  
初筮解籜新荷布水夏木陰合幽禽間關超然有物  
外之趣恭覩聖製謹依韻和進仰黷威尊臣無任

路轉陽華許縱遊南山松竹夏幽幽雲來天半蒼龍闕  
波漲溪心白鷺洲隔塢黃知林杏熟連岡青認標梅稠  
絳霄樓觀身頻到獨愧君恩久未酬

芸館修篁靜絕塵渭川那足比封君清陰密覆林間石  
翠色寒搖水底雲風好知從宮扇動茶香宜入御甌分  
裴回永晝人霑醉歸踏青青徑草薰

進和御製擷芳園二詩

并序

臣今月十四被召自延福宮城泛舟赴龍德西園春



序方中天雨新霽波影涵碧陽曦舒華初葉修鱗鮮  
潤如沐潛鱗翔羽嬉泳弗驚梨花來禽之繁綴玉擣  
錦相望三十里探奇擇勝燕賞窮日更紆神筆賜詩  
宣勸夕月既上又承聖諭嚼藥薦酒風味超然羣臣  
相與極歡盡醉至夜分乃歸再覩宸章謹依韻和進  
仰應隆旨塵浼天鑒臣無任

仙風吹袂到壺天池館新晴日正妍  
卷畫溪邊初縱棹  
籠鬆花底緩回船  
金鱗躍躍依春藻  
繡羽飛飛掠晚煙

醉眼重窺雲漢作明朝萬口想爭傳

西城春色靜年芳靈沼文禽暖在梁岸艤輕舟泛鷁首  
路尋飛棧轉羊腸杯心襯錦花留影波面鎔銀月迸光  
曾倚披霄高閣望清都自有水雲鄉

和御製白蓮詩

并序

臣近被旨遊曲江觀白蓮賜飲蓬壺堂上晚復臨流  
班坐平波千頃大厦十尋芙蕖吹香來襲殘管暮煙  
高柳映帶樓觀天壤之內勝槩第一恭誦聖製仍許

賡續臣謹齋沐和進仰塞詔恩千黷威尊臣無任

十丈層簷日脚留香風吹灩曲江秋石梁架海三山近  
玉井移蓮八月稠白雪高盤初縷鱸青天露坐晚臨流  
夾城飛觀煙雲合端覺身從物外遊

華堂起江沚璇榜塞門楣眈如垂天雲始與煙水宜圓  
荷蓋千頃高柳排四涯娟娟初芙蓉濯濯清淪漪造物  
與奇勝冰姿煥相差唐昌玉蕊仙流步光入扉霜寒挈  
青女夜永過月妃紉佩雜瓊華施朱笑紅滋但薰百和

香不染六銖衣新篇來帝所天語妙莫窺徜徉洞庭野  
九奏驚咸池恩隆許賡續萬漏敢固辭

進和御製上巳錫宴詩

并序

臣伏蒙聖恩以上巳錫宴西池方時承平中外衍樂  
嬉遊之盛前所未有而眷禮隆渥獨許輔臣至輞川  
忽於都人士女駢闐繁華之中覩此巖岫谿流修篁  
翠柏物外超然之趣心目蕭爽恍出塵境宣勸摛疊  
劇飲徑醉比再就席則既夜矣恩留門鑰三鼓始歸

扶路縱觀共歎榮遇恭覩聖作謹掇次萬一依韻和  
進干冒威尊臣無任

三月昆明浩蕩春芙蓉新殿壓池濱香飄花外流觴宴  
雲擁波心捧劍人別苑連岡晴縱目重門飛輦夜生塵  
共欣魚藻千齡遇拜舞昕朝整韞紳

進和御製幸池詩

神霄玉闕敞黎明芝蓋凋輿下穆清風挾龍舟橫太液  
人從黿背上東瀛赭黃袍接天光近鴨綠波搖檻影平

持橐此時陪燕豫岸花汀草共欣榮

進和御製大明殿御畫屏風詩

并序

臣比因朝獻扈從被旨獲觀大明殿御畫屏風寫物  
賦形妙窮造化生植飛動意備理足蓋聖孝發於誠  
心天機寓於翰墨成能獨縱度越古今神靈監觀諒  
所欣豫今者恭覩聖製仍許進和謹竭鄙思仰塞詔  
恩冒黷威尊臣無任

琳闕靈游恍馭風曲屏親畫孝心通越禽翠射宮簷外

閨果紅垂御宸中階影近留金瑣碎林光遙映玉青蔥  
萬年原廟欽崇極更識君王繼序功

次韻趙承之赴穆清殿秋宴

樓殿雲端擁萬靈新規重構帝居成彤庭收霧乾坤靜  
玉座中天斗極明宣勸聲傳龍尾迥醉歸塵逐馬蹄輕  
小儒未預金閨籍廣樂因風耳屢傾

朵樓侍宴

東闕年年曲宴頒御尊宣勸醉春寒袞衣密似魁三象

閣道高於蜀五盤一氣已從調鼎順八方今比覆盂安  
君王禮貌超前古輔弼須銘座右看

瑞雪應制

瑤壇親禱夜如何雪逐青華玉仗過翦水乍鋪重屋早  
吹花偏入上林多昕朝披霧聞天笑燕序驚春誦帝歌  
已卜豐年連四海康衢還解譽堯麼

進和御製喜雪詩

并序

臣恭聞聖諭今冬氣運未當降雪欲興嗣歲請於上



天玉音晨宣雲容霽霽既禱之夕嘉貺旋格迺灑宸  
翰作詩以賜近輔臣輒忘蕪陋謹齋沐和進干黷威  
尊臣無任

呼龍種玉夜相先親禱那憑太史占天借春容裝苑木  
曉催風片舞宮簷勝遊獨許梁賓友高臥誰尋漢孝廉  
隴麥青青無近遠三農知自帝恩霑

雲車初近紫壇陰報享星光照羽林萬果欲祠琳館邃  
九衢先雨玉花深海山出日迎天步花木催春悅聖心

帝與來牟興嗣歲三農呼舞仰君臨

乙巳歲喜雪御筵即席和御製詩

九衢歌舞醉為鄉共慶飛靈報歲穰花趁小春飄宴席  
天回和氣入彫觴三銀闕湧雲潢外萬玉妃朝月殿旁  
聖旦親逢膚帝藻不同梁苑召鄒陽

進和御製南郊禮成喜雪詩

并序

臣伏觀陛下躬修大報聖意齋莊假廟祿郊萬靈承  
事而奔奏則暘陰恍惚升壇薦璧上帝垂恩而昭監

則雲月開露裡燎甫畢班賀夙退民繁率育以興嗣  
歲則密雪隨降默應預祈回御端闌歛福敷錫嘉澤  
周浹歡頌載塗所謂恩從祥風翺德與和氣游者於  
茲可驗臣叨逢盛旦獲觀熙事仍蒙宣示聖製特許  
和進臣敢不勉竭鄙思仰塞詔旨塵黷睿覽臣無任  
竣事觚壇萬玉趨繽紛密雪告休符雲隨太極飛宸蓋  
天在浮黎大寶珠喜色生春臨魏闕恩書掣電過幽都  
願將上帝居歆意寫作宣和吉禮圖

[illegible]

欽定四庫全書

集部

初寮集卷二

詳校官庶吉士<sub>臣</sub>張溥

侍讀<sub>臣</sub>孫球覆勘

謄錄監生<sub>臣</sub>王

敷

欽定四庫全書

初寮集卷二

宋 王安中 撰

詩

比在阜城寺中韻所得語還里任伯首和之因  
併錄傳冀有相廣者

穀紋春霧輕簾理秋濤平天風一披拂全體有餘清是  
中自不惡我懷陶淵明

層城填華屋政爾無好風沉沉古殿閉一洗萬濁空端

知黃面老真有清淨功

風襟得清冷世味增淡薄  
委蟬觀四大縛虎視六鑿中  
腸過飢雷益悟非妄作

炎曦正流金涼風在何許  
障袂日中來逃暑真得暑  
晶瑩玉壺冰終不落塵土

日月行天機無意作炎夏  
百巧求一涼勤我晨及夜  
君子有四時盍歸掃吾舍

便涼即嗜眠煮茗還破睡  
不為蟻穴戰猶尋蟹眼沸  
果

欲夢何夢應知味非味

小學倚在門大學升在堂衆星自伏見兩曜常暉光伊  
我思古人踽踽復涼涼

我觀揚子雲不解子輿語浩然天地間忍事草玄苦燭  
龍臨太空鑒火君自取

讀真誥

吾宗桐栢君永采極少整吹笙緱氏山策轡金庭嶺阿  
香侍紫清眉壽亦秀穎僊門定得僊道蔭及遐永



清娥阿母嬌飛輶來羽野八龍雲篆章肯向人間寫南  
真苦論道聲氣覺殊下却携九華妃共詣修僊者

雲林授玉書妙語真達道心中翦荆棘一一種梨棗瓊  
軒駕靈風歛下滄浪島有待政何妨衆真惡懷抱

劉無損欲書十扇以韋蘇州喬木生夏涼流雲  
吐華月句作韻

俗塵雲海漲客慮風旌搖還從不了處坐以一念超深  
居炷爐熏翛然帶忘腰養生置莫論吾已陋松喬

宿昔未聞道十年醉幽讀睥睨天壤間萬事真破竹今  
來知自笑逢場罷竿木猶餘勸緣心留賓與更僕  
學道辦何等日用四時行夢尋湯餅到風入茶甌生忘  
機心坦坦詣理言平平誰同坐清夜籠燈對微明  
出門趣雞晨還舍結僧夏緣隨香火慣跡涉林塘乍便  
恐住山侶麾手謝俗駕悠然指此心是中有餘暇  
玫瑰紅被徑薜荔綠走墻風埃林籟起中有楸花香緯  
蕭隔雲霧烏鴟自回翔聽下轆轤聲心與古井涼

枕玉褭蹄琢簾波人字流水甕貯清泚意境已生秋睡  
餘弄微軫山高水幽幽試作文王操若人還見不  
一勺淡薄味三生知見熏茲游聊忝耳翮若出岫雲弋  
有孔翠羽寢有虎豹文吾寧不堪用渠亦何所聞  
魔環淨名牀發納柳季戶由來道力勝婉孌莫予侮菱  
花百鍊精炯炯寒光吐森羅萬象交過即不得睹  
成虧繫軒冕心地生眼花極知一餉靜可掃兩鬢華琴  
雪同卧起風月通貸賒高哉彭澤柳不比邵平瓜

柘漿工折醒卉醴可消暘客至亦不疎沃此蔭清樾道人  
有眼句翰墨相應發勿隨標指看舉似團扇月

春懷賦得冰雪鶯來晚春寒花較遲十字

按原  
本缺

遲字韻一首因無別  
本校補姑仍其舊

深居足移氣熏爐坐晨興春來獨何覺湯餅夢騰騰永  
懷山中人遣花破寒冰一枝便有餘經眼知吾曾

比見  
小桃

折  
枝

春寒殊未休春事不堪說陽谷溜微綫陰崖削精鐵森

然十八公鬚髯滿殘雪非無料峭風翠色已可悅

寒雀隨山影哀鴻帶邊聲花遲社酒薄春工了無情東  
風好池館芳草語流鶯不必笑枯索擁書輕百城

幽窻鎖雲霧無人誰與開燕燕尾涎涎知尋簾戶來春  
風到書律溪藤照山煤任爾擇家舍梁塵飄硯臺

種梓期十年執蘭盈九畹河清會有時歲月坐成晚向  
來忝聞道及此且求本行樂未渠央何以語羌蹇

文王有遺操朱絃韻青春無言獨下拜頎然見長人道

喪向千載詩書絕逼真逼真猶不盡試語老斲輪

淵明苦長飢中年求一官歸來蒔松菊頗覺生理難我  
恐須出仕未出心已寒好謝山巨源作吏廢遊觀

趙公丈人行佛隱踏朝靴風流漢北海人物魯東家同

行得劉子過門抵昏鴉臨分無長語進德除空花

趙公漢劉

子棠

吾宗有子明粉澤之外貌白衣罷秋賦深林藏霧豹談

經亦微談樂實在名教擬之金馬生笑云恐差較

王子盤

同郡李達之貢辟龐偶試不利還鄉及河不得  
濟作二詩淒然讀之殆難為懷因為次韻極其  
悲苦卒少紓之當煩劉元忠彭少逸同賦

客行天雨霜屨穿敢留跡欲濟河冰澌蛟龍情不測去  
住兩更難淒寒斷消息

顛風無安巢墮翼思故林誰回太陽惠照此窮谷陰扶  
持孔鸞輩矯矯翔千尋

用大名諸公唱和韻送別少逸

宵濟洶濤波晨征犯霜露倏來忽語別何所見而去疑  
君略奉高或我媿叔度慨然陪節傳邂逅莫忘故  
初歡記鄴城往還數如織搏風回鑾閣相賞垂天翼君  
席今未暖我井久不食駕言又何之游交請絕息  
當仁語卒吐仗義身不謀所賢我者遠甚薄物之尤不  
莊醉麴蘖欲收醉鄉侯微辭致責備近頗學春秋  
邇來走筆吟別後隨手散收拾亦安用半是諧謔間不  
能所作工要解風水渙莫以人廢言遂忽博士謾



和李達之庚寅秋雨三首

閨餘氣先寒久雨愁更劇丈夫固遠慮奈此朝不夕恐  
泥有危行扶欹無安宅我思補天漏試鍊五色石橫空  
收洩雲屏翳敢停跡還我陽秋恩與子兩相適

客舍無晴陰日赴折簡喚家居跬步隔心念旌旗亂釜  
空雨生魚遽敢議薪爨衾裯我自抱更為子三歎

鄰僧雨不出粥飯聽鐘魚事與吾輩異一身易羸餘而  
我千指家食此半編書飢驅欲何之投瓜望瓊琚側聞

州禱晴早願光景舒祠官莫憚煩  
霑濕祗臺輿

再和

長安貴公子對雨飲正劇明缸艷華屋  
今夕知何夕豈同揚子雲反閉一廬宅  
稍醒問予酒已復憂飢石賢愚置莫論  
俛仰共陳跡世路日參差咄哉隨所適

霖霖連十日茗盃闕招喚寒螿味獨辛  
秋繭緒仍亂憑將苦雨詩商絃韻餘爨  
果無真賞音落魄不須歎

向來天不雨啜泣歌枯魚今來雨彌旬  
粒食還無餘兩

家各四壁但聚古人書羣爭聲利場欲趨顧璜琚豈敢  
喪所貴我行自安舒寒飢兩未救杯水沃薪輿

郊行感興

邊風吹鴈寒雨宿黃蘆下家鷄飽遺粒喔喔庇簷瓦孔  
鷺爾安巢慎勿翔中野鮮鮮野畦菊的皪弄深黃馨香  
不自暖白露淒欲霜明朝紫茱萸雕檻薦高堂

試院對月

我行無町畦忽逐春波起平明發鄴城暮宿清河涘譙

樓唱晚靜驛樹驚颿馭亭亭華月上熠燿繁星委含暉  
穿幔翠度影入窓綺悲來興視夜空庭縱幽履飄如浮  
海仙飛步不濡水

無題

秋蘋一寸風吹我鄴王臺臺邊委黃落總惟化飛埃平  
生三選步履沾蒼苔羈棲望不到蠅頭寫歸來人間  
持板手欲展何由開再拜丈人行卷投當瓊瑰丈人龍  
眠龍一作英挾策奔風雷毫端須臾寄一挽正始回年來

心法孤駸駸

一作冷

古爐灰淵明不並世此士誰為才紫

鸞固超詣白鷗竟何猜所期豈朝華歲莫儻相陪

張公作高陽醇酎送幕中楊時可作詩詩成亦  
得酒而瀛淥又將熟楊復垂涎次楊韻

平生顧建康名下難為人見其似者喜敢復聖賢分元  
侯惟麴蘖好賜均無貧萍官新荐熟蓮幕先飲醇坐令  
染指客詩語生冤親柑黃松小苦賦筆久埃塵何時獲  
瀛淥更可調陽春

次韻楊時可李元中酬贈之作

初年種交梨可奈荊棘樹聞道千聖前不傳纔一語彭  
殤幾許爭端作旦暮遇衣珠價連城誰遣泣窮路子知  
無生法未短飛昇數當身認同歸絕學何外慕龍眠玉  
頰翁是中得深趣蕭然住山人妙甚垂天賦我為楊侯  
計政欲借前筇從翁須及今頻脫戶外屨

次韻王得之遊福源觀

維南國裡祀崇丘五雲解路轉樓居出林深步虛傳輶

軒上真侶鬢髻太古仙綠章下祕祝寶此一掬泉至今  
爭晨門奩香走填然帝子留繡蓋宮嬙擲金錢吾宗初  
意行跂馬稅芝田醒心影娥池了了壺中天呼兒話西  
遊乃未得汝年先生筆扛鼎小友語更妍斯文到真處  
梔蠟漫賈鞭賡酬就俄頃驚絕圖書淵覓句念宗武愛  
奇容子遷遊山本庭戶可但巢其巔眼中摘文地坐待  
步武連幽尋賦異日端為續膠絃

望法華山懷慈上人

我無適俗姿發興在林嶂前身一義墮好山輸百丈永  
懷住山人敗毳裏龍象頻驅塵外軫徑抵雲雨上道人  
初恠問斗絕何從訪師居不難尋天壁愕異狀風煙自  
蕭散草木更森長道人聊復爾仁者作是想重來傍岑  
翳眼淨人亦王虎谿雖不過驚嶺聊得望遙知師覲然  
跛跛又安往

過安平小集

王鮪未荐春永歎念河曲遊子懷故鄉書劒就裝束橫



流一葦航歸日三秋促屬驂饒陽道解鞅獲館穀鳴烏  
尾畢逋喜信亂城角邑中二三子彼美溫如玉行李往  
來者東道禮尤篤一尊相勞苦桃瓜間紅綠深嚴布金  
地良可避蒸溽呼龍勸客留雨聲裂華屋諸公氣吐虹  
不鄙余錄錄號呶叫博盧露跣圍奕局漫郎本何者蒿  
蓬倚松竹更不效天隨淒其茹杞菊

湖山紀遊

吳山東南秀葱鬱盤帝城西湖據其趾御氣通波心餘

膏被草木蔚眼皆欣榮  
今晨天宇穆惠風  
汎初晴春色正妍妙  
放懷共揚舲中流入  
汗漫曠闊無埃氛  
湖光挾山綠倒射玻  
瓈青絲竹響空翠樓  
觀森崢嶸獻酬雜歌  
嘯爛漫紛醉醒取樂  
固莫並興懷一何深  
緬惟昔三賢精爽日  
以沉但餘畫象在尚  
想鳴佩襟希古秉微  
尚崇雅摠恬情羌予  
翳蓬藿無復企組纓  
澹泊自有得榮華非  
所欣舍舟縱散策逸  
興生峻嶒白雲引遐  
眺碧岫延深登幽期  
浩無涯忽到靜者門  
長松有令姿流水無  
俗

聲絕磴猿可呼出谷鶯始鳴乃知物外境茲象本不驚  
逝耶初無將至耶亦無迎便將謝塵鞅茲焉支頽齡山  
鴉接晚翅落日催行旆歸歟賦新篇聊復記吾曾

貽梁東卿激

結髮抱竒趣被褐深自珍空腸貯明月坐友千載人長  
飢為驅出宦遊古河濱侵尋簿領書陸海縱埃塵深迷  
誰復見無悶日湮淪使車重皇眷賓從實要津平生相  
與昧數面輒成親如何冰霜別邂逅梅柳春我來閉空

館公歸柩輕輪咫尺不得語寤歎良苦辛

送曹文叔

讀書無見功要足補吾拙時從千載上坐友萬人傑心  
源貯古月表裏湛空澈政緣老懶故早覺追隨茶推遷  
懷短檄甚愧固窮節安陽耆舊衰風采漫漫筆舌翩翩阿  
瞞孫乃出諸掾列爽氣不可招敵榜近縲紲只今官罷  
休道學歸澡雪加飧一言足人事會有別

奉酬李道源供奉

斯人倘遇真何必吾黨士向來風騷伯領略罄同軌仙  
路共飛騰雞犬近天咫但看橫槩語力足走餘子小詩  
賦競病政自賢乎已眼中管陶郎翰墨頗自喜當官故  
癡絕捉扇談名理早時隨計偕晚墮鵑冠裏史君柱後  
文此面惡難擬陸機生不識尚想汗顏泚只今官罷閑  
高唱動連紙齊西井邑富三月花事起人奇漢陂同物  
勝斜川似遠心破城府快論注弦矢嗟予懷檄書寸步  
畏瓜李投床夢婉婉日永貪睡美亦思陪君嬉靜釣濠

梁水君方事筆轡問津從隗始十年投筆興氣已無萬  
里努力就功名爵祿天下砥

次韻李達之十月十九日風一首

葛製侵中冬奈此河漢沍障門時織蒲更值飛廉怒春  
撞不遺力既發寧却顧陰機足自由盛氣尚誰怖老心  
百念灰一睡美無度投牀逼窻紙罅穴響交互飄雲半  
夜入方夢踏雲路帝居環玉闕恍惚非常遇回天力故  
微訟風詞已具

次韻李達之冬日自紀二首

短長不相懸視此律筒換天寒今幾許冬序已強半初  
陽來如縷殘歲去莫絆親交斷還往官列闌稱喚無牛  
可扣角問夜何時旦新詩當美酒排遣孤悶散風期終  
未沫相與遊汗漫

古心出古語不計彼不聽蹉蹉來問學政有童九齡尚  
為一事大更讀四方經但我鮮兄弟諸妹亦伶俜皇皇  
門戶寄孤耿如晨星何時休世網遂逐鴻俱冥君窮坐

如醉聞此或少醒試憑道力勝兩忘楹與蓮

達之質衣不售作詩某次韻達之有田在蒲陰  
日以侵削舊居嘗質人家既還而井亡于是簞  
瓢益艱故有爭畔改井之嘲

顏癯雖巨堪幸列聖科四瓢簞顧自給所樂真細事君  
窮欲誰依月旦無高議隣貪故爭畔困收復易匱吏惜  
輒改井甕汲亦難致空有能詩聲度越侯叔起時裁乞  
米帖韻綴古風裏嬌憐啼門兒愠奈曳泥婢喧喧聞發



廩共詬管城子君云姑安之吾肯屑嘖爾篋中敝袍在  
質當今可以櫺窻豕腹生列肆跨兩市掉頭相閉拒竟  
日却携至似云儒酸慳所得毫髮利寒暑遞回換錢出  
幾還此由來刺繡工不如市門倚以彼居貨心必求速  
化理近聞高貲郎禁與士夫齒蓋防駟僧態歲久薰猶  
似衆富乃良規力古貧莫恥

顏夷仲有次韻少無適俗韻詩少逸既和之不  
可不賦

少無適俗韻市朝等居山所思魯柳惠去我今千年官  
曹不厭卑危慮忘冰淵身恬道故在心傲蒙漆園顏丞  
賞我趣屢顧塵埃間我久作常語何得君來前東歸散  
俄頃翩若風中煙此意念莫領搔髮空垂顛出門久無  
味不如杜門閑君方篤行李諒以吾言然

次秦夷行觀老杜畫像韻

寒拆天吳圖饑糴太官粟拾遺官在朝何異老林麓英  
風想廉藺妙手傳顧陸蒙茸頭傾冠駸駸鐙脫足熊兒

與阿段左右相扶逐生平經綸具悵望青蒲伏窮塗付翹  
蕖放意謝羈束草堂幸無事尹騎時見辱清吟動霄壖逸  
艷驚魚目顧茲神明意豈易丹青卜當時腰長饒憔悴十  
指禿聲名乾坤破生事歲月促但聞列仙癯豈見肉食墨  
企予攀逸駕短步羞匍匐不能師廣袖乃爾好奇服嗜詩  
得雋永徐味自當肉不知褒公貴顧謂何郎俗窮通等夢  
幻思慮自振觸苦吟祗効尤呼醖進蟻綠

次韻荅任德夫夾灘見貺長句并呈崔彥聖

我本可笑人略已近俗士侵尋久未覺大似城門軌永  
懷北山路相去不容咫雲煙迷舊隱鷄黍悞幽子極知  
田二頃足了仕三已世緣成錯料悔不妻法喜只今無  
置雖四海寄生理因循揮手版俯仰鄴城裏朝來對爽  
氣或以古人擬頗復廢將迎陶泓弄幽泚翩翩取自適  
豈問書費紙推移從短檠此念初不起園林齊地近人  
物何郎似無因覩白雉漫自手弓矢任侯十年舊邂逅  
慰行李新詩多態度譽我傷溢美君才老益豪筆倒三

峽水我將觀浩渺萬事問伯始是間好看客風味化隣里亦知崔亭伯更欲就礪砥

送晁以道

人才限南北河嶽日邊徼異時頗自振以遠得輕笑顧我尚友心與渠不同調吾州向雖陋屬令文元肖仙鳧謝雲羅雪浪湧海嶠問山如登天翰墨相焜耀高標快目擊勝語醒耳剝永懷種秫潛不翅憩棠召八年杖屨隔坐睡夢嵩少何人侶嚴陵寒灘理幽釣無因接孫登

半嶺聽清嘯漸恐落流俗中夜回光照倒海覓三珠更  
復得二妙風埃鄴王城晚從折簡召倉曹賓客次玉立  
見孤峭神鋒森挺脫俛嘿願還鞞至今牛斗間寶氣干  
兩曜伯宜承華勛仲合典書詔翩翩誰輩行官職忽哄  
叫美鬚草未闕好面喪可弔斯人但寂寞瑚璉不薦廟  
我嘗當饋嘆吞憤類牛噉淵龍豈易擾遽敢議處劬念  
昔忝聞道銳甚冠始醮百憂荒寸田孰與耕新燒區區  
冀有獲鞞鞅鞭復掉端來求代公兀守信麥漂便將塗

六鑿風籟息號寂政自畏攀援拄頰遭詬譙一官涕唾  
了得失已懸料囊中食玉法朝飢儻能療縱無錢買山  
解有杖荷蓀從公問箕頰策足事游眺共待四明歸重  
丐一言要

次韻和彭少逸送晁以道

吾軍久不張建鼓覓同道蒼黃一二獲便作百萬號我  
行初濟河首得晁彭耗輕車駕駟馬邂逅王良造悠然  
望八極頗已快遠抱兩公前後輩凜凜不殊操晁文早

緯國輔以家學興向來宏詞出古氣軋盤詰蕭生寧抱  
關肯補郎衣皂老成吾猶及孝友神所勞彭詩動驚俗  
祖屈實自悼追奇詣岑險展讀眩欲眊知名漁父篇雅  
愜志和好勿前丞相嗔何恃翰林傲方將摩二壘併可  
漱雙瀑衣代苦敦薄火攻良抵冒荊州一人半纔慰阿  
堅到只今事行李遽欲戒騶導箕山老仙伯遠行避喧  
噪紛紛戶外屨三沐安無躁仲氏往吹簫吾黨端有靠  
坐念玉壺冰詎堪風日曝魯公屋漏筆莫靳平安報否



泰等時雨春旱必秋澇努力加飯食自餘何足禱無卿  
我定豪別語願忠告睡翁賴少留意適如爬癢大臣不  
暑行官小奈親耄網羅今轉踈機穽豈重蹈得失儻未  
量天理問裨竈

長句送以道既辱和答而夏傳聖詩亦用此韻  
以道復和一篇篇末頗及少逸與不肖因再賦  
此傳聖姻家書問必數或可達以道

癯儒緩趨走不堪備游徼古心乏嫵媚亦莫齒優笑十

年營負郭畢願了租調詩書祝兒輩風味久必肖文窮  
覓退之錢癖減和嶠此計墮渺茫浪出豈炫耀官供取  
無耻幾不類推剽退食獨委蛇顧欲輩周召誰論玄尚  
白端覺壯非少緬懷千載人有道混屠釣風雲隨濶步  
功業付長嘯事成有辭爵緣斷或遺照飛潛無必同出  
處信俱妙肯以牛衣泣求因狗監召竟知貂尾短何益  
鳶肩峭士初如大刀天高看拔鞘提携龍雀環膽破勒  
與曜斷蛟剽犀兕左右隨所詔用舍要有時遽欲帝閭

叫沾襟豈終悔失馬勿前弔龜寧行曳泥犧怯牽荐廟  
但逃明火灼詎厭短芻噍固窮而山立吾儕當勉劬無  
禍福莫長安用綠章醮我今百念灰內熱息心燒來親  
晁氏賢不住頭忽掉淋淫雨十日坐恐行囊漂新篇寄  
鄴城鐘磬逼耳竅春撞到彭夏餘子敢輕譙是公天機  
深世故成錯料良醫百遇毒彼已病俱療淵明寓託遠  
捉扇贊荷蓑吾將急捕逐八表寫長眺遲暮儻同歸升  
斗何足要

李永終還京師北嶽王某以送晁以道韻作詩  
贈行某外大父賢良裴公實為邯鄲公行狀契  
義良厚故見之篇首

外家東眷裴典學不觀徼初來接諸彥半發士龍笑賢  
科兩過閣萬字出戲調盡記十二題博洽古人肖亡書  
問安世多識數華嶠劉蕡廷策訐罷去終弗耀縱橫五  
車讀未捷一律剝生涯日蕭索更甚東陵召當時邯鄲  
公似是洛陽少文潤淮南草詩賡苑中釣殿廬忽厭直

郡閣或坐嘯相從賓客老莫逆肝膽照嚴詩見杜集殆  
極天下妙鵬來蒲州坐永隔宣室召門生狀董晉寒筆  
信雄峭豈慚吳季札墓劍掛遺鞘嗟予乃裴出母賢如  
德耀授予其父書勉使起應詔此文載編末疾讀快欲  
叫耆舊成鬼錄零落真可弔但聞康靖第萬物闕家廟  
子孫同蠹魚奇字飽咀嚙始予識京掾已嘆才業劭叔  
兮秉周禮莊若客位醮官閑恣討論燈火親夜燒固疑  
言語工未睹寸管掉高篇晚發伏疲兵血爭漂予拔中

山毛載穎從八竅携持託抱關免以不敏譙規容曹參  
隨敵敢揚雄料寧憂無肉瘦政恐俗難療冥搜廢曹務  
招隱慕芸蓀子行擇所向山水足觀眺慎勿厭家難造  
請歷權要

定武贈晁以道

晁時為  
無極令

北山立雄秀西山儼來奔稜層上雲雨祕邃錯朝昏風  
霆倏號怒勢欲立厚坤茲惟神靈宅可但人物繁嵩陽  
擅月旦問山等龍門謂我山之英重以仁者言丈人蓋

代手脫口千載存尊羹與羊酪不復疑戲論向來無極  
神解與君爭尊堂堂甄孟成版籍見諸孫如何置不問  
遠借寒谷暄我行傍鄉梓念此永弗諼逢人試語似喜  
色凌朝暾問公誰輩行故侯蘇季昆故侯遺妙墨礪山  
龕山軒亦有好事人醉帖收蜿蜒神明坐還觀聲淚已  
復吞公能破紙尾師友道彌敦要當藏名山仍意作九  
原續絃煎鱗角併洗萬古冤

一云萬古無纖痕絕勝  
李毗子空臂得瑤琨

顏持約為范師厚作孔明坐嘯圖十大比丘象

觀者以為聲訛不可不下一句

窮顏妙畫今虎頭忽以武侯為范侯他日卻寫十比丘  
下筆不數僧貫休作佛作相三昧游在江在海兩浮漚  
丈夫心機入法流到處還渠第一籌

寄謝任伯

謝時為定武學官

盛樂宮前紫府君開花流水不知春悠悠永歎坐石室  
自有此山無此人我來婆婆弄明月松聲草色俱清新  
列仙元癯不佞佛却語小謝求綸巾明經使者風生在



文字政須君等輩，鴈門鴈美亦思歸。  
講肄還當尋馬隊，

寄江南睡翁

少逸時送從  
辟河間幕府

金鳳臺頭我欲僊，故人真謂翼垂天。  
目光射落三千尺，詩律追還五百年。  
應緣又踏瀛州土，寄問騎鯨今好否。  
俗情限量須破除，可無忘形我與渠。

崇寧寺詩

周郎同歲小一月，老氣凜凜能摧鋒。  
佛隱由來足高士，經綸正在阿堵中。  
平生蓬藿一畝宮，頗與可人風味同。

好在江南香火社寄書會憶王牆東

次韻張應龍見贈長句

深居聽客譚西山舌端崑崙生層巒山形卓犖尚可想  
客趣超詣何由攀漳潁空回自不韻夢涉山澗波旋環  
但携雲根萬竅碧歸置毛穎陶泓間客真與山欲爭秀  
煙霞氣足詞高閑我亦良非適俗者分山一半同君還  
同元忠少逸登大安閣各賦一篇

胷中堆奇忽塊磊徑欲憑虛尋我對梵宮日月擦鷗尾

復道雲霓湧，鼇背佛將高。廣快心賞天，為空長舒眼。礙  
冰層蹙岸，見河漳雪氣明。山數齊岱安，知一身寄城郭。  
却指萬頂看，闌闌承平大。駕昔此留望，幸遺民今幾在。  
哦詩人物到白也，題字風流希湛輩。北都三士行作圖，  
勝遊一日不可廢。

顏夷仲欲赴藍田丞而鄆帥移雍姻家或當避  
讀夷仲詩為和第二篇此次退之山石韻者

秋蟲不量翅股微，幾欲唐突鷓鴣飛。高梧嘶風食沆瀣。

何似死鼠鴟鵂肥顏家事業更清絕耆舊去眼知音稀  
賢哉鼻祖井故在執瓢便足忘君飢一官晚悔登龍斷  
經歲不出關荆扉藍田之山石韞玉白虹千丈晴霏霏  
退之壁誌見髣髴二松閱世應百圍丞聲未換渠莫惡  
郴江仙伯容樞衣側聞親嫌又齟齬漫恐髀肉摩鞍鞿  
戲人造物亦薄相咄咄此士將安歸

趙聖符權漣水軍使按周立事且去猶聞上乞  
不赦為作長句

潁川異日剛彊守諸吏僵仆姦豪走濟南使君羞怯懦  
故破矐宗三百口官為聲名計則多尋常手滑如彼何  
心知昔人不妄作隨事砭斫或拊摩河神娶婦理必往  
城北殺子吾當訶襄漬趙侯世儒雅軒昂忽變腸無它  
奴欺主女積十載侯以半紙申嚴科人言趙侯廣漢後  
宜有摘伏如神手青衫諸掾日蹉跎衆或屈凌天自佑  
誰過襄漬刻石傍告以吾言慰耆舊侯今兒子能文章  
母太夫人百歲壽

過客有贈達之金者達之作鮒魚乞水急詩謹

次韻

李侯茫茫悲欲泣人生豈能無緩急晨炊米盡抱衾裯  
富兒操金森壁立縱橫文字對空虛肝膈不同如燥濕  
寒鄉眼界太褊迫名譽纔高憎怨集誦書把琰九河懸  
雖我亦驚追莫及風雷會送橫海鱣躍上禹門過千級  
奈何自比轍中鮒商歌感慨行人揖鮒魚不願決西江  
李侯所須惟粟粒肯捐一滴活波臣客真義動修蛇蟄

得金遣客曾莫留索我和篇何汲汲孤竹之管空桑琴  
已矣今人聽不入

第二子赴河間詩人皆作詩送行讀趙堦辟疆  
詩為次韻

家世無人仕茗浙送汝還為北城別河間知不去吾遠  
汝母猶持離袖掣中年生子今宦游吾與汝母宜白頭  
中山西望三舍身諸老汝近吾何愁官傳恩憐逮猶子  
宮師雁行餘五弟至今鄉閭尚心化友愛推高一門裏

向來寒甚草根蛩適來出入軒蓋從富貴不願此身獨  
安樂幸與諸老同門戶固應多國器汝往宜為功名會  
古文科斗盡五車娛人翰墨真餘事客程搶笠風卷紗  
歸及諸老醉榴花京華新聞勿用說一時名士詩可誇  
題李成山水

五日十日一水石此言雖工蓋其跡請看天地開闢初  
豈鑄日魂鎔月魄忽然而成隨所遇納護風雲元滿肚  
吐為千偈口瀾翻遊戲法中同一趣李侯落筆風烟氣



妙處欲回真宰意扁舟不動水粘天落日孤明山若倚  
斷猿吟掛清楓林澗松倒卧猶十尋白鷗似作終老計  
浮雲自在年何深由來神品完天力一抹江流吞萬磧  
寸量尺度但形摹畫史如山爾何得貴人費盡千黃金  
寶奩玉軸誰敢爭一聲常賣落公手世間得喪誰虧盈  
我生懶率更踈放只有幼輿巖石相它時真作畫中人  
儻辱書來問無恙

次韻題李公休輞川圖

山林策足高復高俗子捷宦爭秋毫丹青邂逅着相衮  
晚顧不欲傳兒曹妙哉吾家右丞相睥睨一世輕鴻毛  
雲泉招隱去甚勇粉墨狀景隨所遭輞川莊園最得趣  
盡寫衆嶽圍長阜廢城荒煙颯衰柳斷澗立石淙驚濤  
簷簷挿屋伴幽讀蓮芰潑眼橫輕舫宮槐猶是鳴騶陌  
漆園已作蒙莊逃地因人好自奇勝豈必海嶠騫鯨鼇  
想見解衣盤礴時六種震動山靈號平生經行意境足  
朽木不運筆已操小詩氣象更清絕遠跨陶謝追風騷

樂安老人吾莫及摹搨髣髴收藏牢隸書十詠有體法  
鍼肆見此古赤刀一時墨妙誰竊去龍劍飛失餘環條  
只今跋題乃到我千載吾祖安敢褒家鷄詩畫愧弗學  
但思卜築誅蓬蒿輞川久無書契在未免四海求田勞

大風

青陽乘時木當行驟辭囚幽置高亨驚驕嫚姦怒癘  
睥睨萬物憤以爭潛呼飛廉語曰卿媒妁阿巽助躁輕  
林交社姻窟昆兄腰領搦持劫詛盟攫顱鷹隼深目睛

沐猴冠元加紘纓約束陰定陽眎瞠鞬囊革素齊露呈  
頃刻翻簸揭奔轟搶幃裂箔仆旆旌墮簷塌桷掀架棚  
注射垣墮穿冢塋豹彪獐獐狒狒猩鴻鷄雉鴉鳬鳴鶯  
殷蹠捩翅突奔驚蹶抵犂确冒灌檉蒙衝千車屹傳城  
爆礮萬騎鴉譟營步趨宕跌忘珮珩宮徵嘈雜停韶英  
披木幹根蹇芳榮蹙水濤浪颺鏡平眯霄耀靈一目盲  
觸山不周八柱傾六幕擺撼始稱情神嬉鬼笑語咿嚶  
餘噫不收爛訝賡聚穢勃鬱封觀京執攬北斗斟四瀛

五嶽為豆羅崢嶸腐株蠹穴侑筵笙醉牽月娥舞金鉦  
更持一杯壽長庚誰省天意不汝令小臣叫天吐丹誠  
方春風暴稀所更執法口噤臣輒抨幸屬廷尉蒞鯢鯨  
天哀愚忠勅閹丁往呼來前密訂評竦身躡虛條上征  
涕洟拜手盼睟清臣材瑣屑不足名中有婞直肝腸撐  
自下議上罪則烹察及螻蟻帝聖明臣知風暴不難平  
惟斷之果絕蔓縈帝首微頷慰遣并側聞雷霆掃挽槍  
山恬海靜悄不聲濯濯生意回枯頰搜詞誦詭紛縱橫

反風大熟想姬成

游峯山院

蕭寺倚絕壁高軒憑衆芳僧窻得山翠茗盃仍花香眼界寫雙淨心田增寸涼陂陀日向夕村落下牛羊

次韻李厚之秋日即事

時在試院

當暑獨披襟誰同梁甫吟山林勞客夢簾幕斷人音庭籟迎秋靜宮雲傍晚陰賴傳詩句好偏慰未歸心

試院作

身入儒宮作抱關不妨文史暫偷閑秋陽皦皦天新雨  
晚吹騷騷木落山士子便應矜兩監吾儕未合老三間  
孝廉同歲真同道對幕哦詩斷往還

聞青守梁元彬移帥定武作詩寄賀諸梁

相門誰數十朱輪華鄂今看節制分鄉里正思前召父  
朝廷難輟大馮君風聲自是埴簞合忠力同輸手足勤  
應有池塘春草夢夜闌還繞北山雲

聞帥府大閱軍作詩送梁帥

坐想郊垌鼓角雄  
弓刀十萬擁元戎  
令傳帳下偏裨慄  
聲走山前部落空  
勒石何須稱竇憲  
反風已卜相周公  
自嗟不預從軍樂  
賈勇猶能氣吐虹

和梁才甫贈定帥元彬

汶水衣冠記昔年  
明堂一木起扶顛  
孫枝競秀傳家學  
華鄂聯榮握帥權  
西省規摹留閩外  
北園風景付樽前  
晉陽親近皆兄弟  
行集天朝拱細旃

無題



玉府真游擁萬僊  
藥珠深殿駐雲駟  
宮尊自吸瓊漿盡  
御筆猶封寶字全  
密護幾重香冉冉  
倒藏餘瀝響涓涓  
君恩許侍神霄仗  
先向壺中覓洞天

讀次文漢陂詩

白髮郎潛舊令君  
東軒携酒幾回登  
當初天上化鳬鳥  
今日人間下馬陵  
邊地久無能賦筆  
縣齋新有讀書燈  
昔游零落岑參在  
故語流傳許十稱

次韻魏端夫田石送赴試詞學無茂

謝韞歸寧雪載塗新詩還道絮何如時因公子監門會  
頗識中郎阿大餘賦筆久無三峽水囊書老趣獨輪車  
只今靖郭家兒舍誰似先生食有魚

一作寄聲靖  
郭家兒道

澶簽宗室伯言見寄為次韻

賓客風流追七子宗支文物笑諸郎青藜吹燭書編亂  
古錦作囊詩卷長禪鉢芋羹聊得共壽杯酥酒故催忙  
抵今霜雪休車馬誰對熏爐語夜堂

次韻元量貺詩

野性由來不受羈，可堪風雨斷追隨。  
卜鄰有素須歸隱，會面無多更話離。  
拜我低頭要晚歲，仗公取水記當時。  
魏城邂逅猶惆悵，秋鴈橫分奈土思。

送徐幹臣

聲華飛動水雲鄉，揮翰初宜玉作堂。  
投老肯留賓客榻，臨分聊屬聖賢觴。  
家山到眼千巖秀，世路收心一粒藏。  
趣駕青牛尋尹喜，著書方便設津梁。

次韻道勝冬日惜別之作

相逢不作白頭新肯復悠悠問大鈞  
煮茗坐窮西寺日哦詩驚動北州春  
吾儕漸可傳書種兒輩當令洗塞塵  
節物崢嶸君遂去驅蛩終始覓何人

次韻安喜劉簿上梁才甫瑞蓮嘉禾一首

早日商霖決四寰兩年春令塞垣班  
秋清蓮萼駢幽沼歲稔禾頭合舊山

州有嘉禾山

事付史官應制可曲翻相府

看公還玉襃要是邦民耳請頌中和敢自閑

楊時可屢遊朱氏園昨日方一載酒甚樂因次

韻言其事

溪上桃花如有語，怨君前日只空回。  
徑須留客車投轄，相與澆愁酒漉醅。  
我自馬曹聊復爾，誰憂兒輩覺追陪。  
王郎醉墨題名處，尚有餘尊可再來。

次韻和梁才甫上元詩二首

雪夕張燈白晝同，坐知酒價長新豐。  
月來方丈三山外，春在元戎十乘中。  
玉塞已傳台袞拜，火城先看相家風。  
公歸端是千年鶴，回首鵷行一夢空。

陳橋陪乘五人同劒缺休彈禮過豐驥足爭先長策下

蛇脂乾盡舊山中

某前歲與閭丘唐汪魏隨府北來始集於陳橋傳舍

敢將野句

酬明月但記宸章起大風

公家有上元御詩

默對短檠悲晼晚

緋袍恩重報全空

次韻和梁才甫與曾叔夏喜雨

金節經過玉帳開初筵風雨燭花摧鳳凰池外濃雲合

獬豸冠前爽氣來已洗郊原秋淡蕩不妨星月夜昭回

拾遺說尹村村到盛看豐年社酒杯

次韻趙承之九日出郊

結客西城昔夢長，無題重和不成章。  
老看殘菊情多感，靜數冥鴻首屢昂。  
餽酒故應隨節辦，絲桐政好為秋張。  
鞭笞鸞鳳饒君去，獨守庭秋坐夕陽。

喜雪贈梁幾道

風色蕭騷晚尚微，呼龍連夜布寒威。  
欲尋海上三銀闕，先舞雲中萬玉妃。  
難老松筠增氣槩，未春桃李借芳菲。  
典衣更為來年賀，潤澤先從宿種歸。

觀儼

天回星斗臘將殘  
儼仗歡呼陞盾寒  
逐癘已隨三闕鼓  
鍊真何待五辛盤  
皇居夙有僊官護  
民瘼無憑聖錄安  
歲歲更修周典禮  
都門耆舊喜同看

嘉山

北嶽嘉山之陽  
吾先子之所葬  
頃因掃除數與道人學  
子留遊村落間  
田無咎之廬  
可想見其處  
為作詩無咎  
歸或為書之屋壁也



喬木相望十里村百年弦誦化耕耘食魚誰就田文舍  
下馬先經董相墳烏几繙書心自遠紅旗賽社酒初醺  
何時結客嘉山路剝啄敲門却訪君

次韻梁才甫游苑氏園

地僻風光到後時誰吹律琯轉陽暉花爭先近三台坐  
春敢輕隨一片飛肯為孤妍回鐵石那憂餘賞問葑菲  
韓退之以葑  
菲字押平韻它年造物因依在領略吾州勝槩歸

國色無媒出有時幾年幽戶鎖寒暉人從浴鳳池邊到

香入乘鸞扇底飛詩落雲牋傳藉藉花同錦隊想菲菲  
更聞芍藥梢頭信亦待邀公揮帽歸

次韻梁跋道游苑氏園

晴日催花爛漫開九苞丹鳳引雛來春衫碧袖初單際  
步障朱軒第二回許掾登仙全室伴謝公賭墅幾人陪  
明年此樂知何處宣勸重持翡翠杯

淵明歸侶獨龐通坐客何人對孔融鴛燕不驚賢者樂  
蕙蘭爭泛快哉風斑衣人在飄香外彩筆詩成徒步中

和語不工緣窘陋腐儒家卷草蒙戎

又作茸

試院作

落葉飛飛度暗階月簾風慢若為懷  
瑣窗未有歸消息  
應看蛛絲上雀釵

秋屋無人見草經忽驚太乙杖  
藜青祇應燒燭金鑾殿  
未勝熏香石竹屏

春日館中即事五首

求友何人似谷鶯  
羈游渾覺昧平生  
閉門春事關身薄

薺菊青青自可羹

暄寒稀復故人書  
好在山中舊酒壚  
端欲夢從三徑去  
方牀投枕展龍鬚

故國悠悠雪外城  
南山應復見高稜  
向來梅柳春亭月  
曾傍詩書夜按燈

元夕嬉遊遍海涯  
上林風物弄年華  
餘霞墮柳高低舞  
香蠟封梅早晚花

熙熙人物藝金爐  
歌舞升平六閨餘  
輦路雪晴雲五色

史臣得記汗青書

直舍有書

時為大名簿

晚風收雨故森森  
雀啅鴉驕未解陰  
車馬不喧緣底事  
道人宴坐即山林

林低野濶暝煙浮  
似與幽人耳目謀  
邂逅前身漂陽尉  
欲將半俸博冥搜

右丞筆力到諸孫  
詩語元勝畫不言  
看取踈踈并寂寂  
霜林煙塢欲黃昏

年來方寸湛如水  
照見霜空無一塵  
寫出禪家有眼句  
不妨餘事作詩人

河西勸稻

據鞍不覺醉中鄉  
水陸紛紛利害長  
便作河西勸農使  
夢回應未熟黃粱

予行為魏倉監門  
忽得前監倉官詩  
人江南彭少逸詩  
因次韻時彭以遺火失官

聞道長安桂作薪  
斗升誰乞向隅人  
魏倉一炬非無為

似與寒枯慰晚春

廟堂鼎實待鹽梅  
幕府千金政築臺  
孟子勸人蕭傳作  
抱關不必是凡才

立春

城頭雲樹不藏鴉  
邂逅東風苦憶家  
憑仗主林神放手  
為人匝地與開花

冰雪涔涔梅未芳  
欲羞蘭蕙召東皇  
蒲萄定自有春色  
莫酌涼州孟伯郎

立春後作

東君珂珮響珊珊青馭多時下九關  
方信玉霄千萬里春風猶未到人間

二月四日見小桃

香紅初破北州春深谷嫣然一笑新  
莫為餘寒嗟晚見錦帷輕拜衛夫人

清明後一日出尋梨花先過城南資福僧舍脩  
竹森然即賦小詩盛道愛竹之意客摘詩語病



予曰君自有竹何來此為因作梨花解嘲蓋予  
故秋至魏未嘗見梨花盛時資福之句良率然  
也晚飲全福抵花下披取巨枝立植間坐歡甚  
徑醉乃知吾家子猷直與竹同迷耳亦為作詩  
凡得三絕句

南陌無人地自偏僧房深鎖竹娟娟我來不為梨花雨  
要看春風碧玉椽

霜紅雪白不同時春到騷人了未知素艷底應成偃蹇

練裙縞袂且追隨

花底杯盤藉翠茵折花圍坐當歌人謫仙自是開元客

玉帳熏香揖太真

北州故人見此句當知我猶能自振埃壚間然亦不應以音聲求我也

自述

九尺張公天下士喜君不為語清妍共看風骨尚書似  
亦合胷中了未然

晏起

日過辰時猶在夢客來應笑也求名浮生自得長高枕

不向人間與命爭

答錢和父市易

羈懷不到酒邊開  
欲就錢郎把茗杯  
午枕無雲來楚觀  
試書春夢屬多才

榮歸堂

華屋飄零鎖夜臺  
羊曇扶路肯重來  
若為甌黍成奇禍  
漫道人門似八裴

思家

睡翁憐我哭窮塗千里親來不着書  
未用中宵思白髮  
孟光堪倚侍巾裾

見太行山

地上行人憐紫翠羊腸九折有誰過  
履危側足非吾敢  
遠目看雲得更多

題北城馬鋪

始欲愁生愁未涯清風白月客辭家  
北城下馬無腸斷  
淚墨斜斜塗晚鴉

渡黃河

河伯應窺豹管斑放船秋水不生瀾洋洋得濟非無命  
題滿新詩趙魏間

黎陽道中

精神何足幾年支疏廣陶潛肯自遲又觸塵埃行道上  
此時須記式微詩

少逸舊有詩云賓客次中消日月塵埃道上費精神陶潛疏廣有故事行

作江南  
歸去人

道中

靴紋綠淨漾林影紅芰鮮鮮得我愁却憶

一云不似

橫塘拜

新月折荷障笑木蘭舟

次韻李元量謝司門幹臣畫山水詩

江上家山晚翠濃畫癡端復覓詩窮李侯卷去亦亡賴  
却對吳儂賦北風

題新畫八賢閣像

此地何從列姓名半因新國用輕刑江湖萬里知聞斷  
圖畫相看眼自青

題普通院

閉戶野僧聞客避  
護巢林鳥噪人飛  
桃花落盡不須折  
移得芭蕉相喚歸

重游全福留題羅弘信手種栢

鄴王神武冠軍中  
夜半騎龍逐老翁  
雷雨滿空飛不去  
至今留鎖梵仙宮

漏月篩風一箭長  
萬牛無力挽蒼蒼  
直應刺着天公眼  
却遣雷霆下取將

以魏花兩枝送梁才甫花不甚大作二詩解嘲  
老去無心夢楚臺行雲欲見仗誰媒春風魏后尤驕蹇  
只遣紅巾穉女來

求花聞道築金臺國色懷春肯自媒送入華堂應大笑  
不令乳媪與俱來

厚之將試三衛有詩謝人送蒲萄為次韻

雲海龍須斷不殊累累猶帶夜光珠直應釀作春醅綠  
傳與涼州亦丈夫



書扇

暈紅圍綠海棠春  
燕入西樓火令新  
綵索畫梁相對起  
翩翩知有解飛人

西池羅襪盛嬉遊  
一水餘香晚自流  
別試春衫蟬翼薄  
泥金新畫小龍舟

汪廷俊以詩送蒲笋次韻答三首

刺水森森露碧纖  
宰烹端為厭虀鹽  
政須留襯雙輪輦  
未用來供一餉甜

入俎谿毛亦細纖調和終恐費梅鹽故應黃面瞿曇老  
只說中邊蜜最甜

少陵惆悵渚蒲纖赤米何妨對白鹽枯槁自憐還自許  
長齋猶有舌根甜

七夕日送泥兒與彭少逸代簡

此兒眉宇大儼好中但泥沙相合和造化作人日無數  
憑君熟看幾爭多

保塞教授同年丁仲勤廣寄示和少逸十詩某

輒寄之更不理彭意無復次第

身入月光重示定諸香水海靜收瀾便令彼岸崎嶇到  
已落初寮季孟間

僧中賞雋道林支儻有斯人見莫遲遠致高情歸許掾  
更知孫綽最能詩

三徑從荒故嬾開熏爐齋杙秋來無心何地傳心要  
不向人稱弟子裴

舊聞千歲遼東鶴塞上翩翩忽見過我有雲間化鳬鳥

追隨不用着人多

試吏初遊魏大名題輿深眷獨忘形山供爽氣焉知暑

日得高眠不廢經

僕初識今保塞別乘余僕於魏仲勤見僕詩於余處

左相司文十稔餘孝廉同歲異龍魚君應扈從甘泉仗

我自經營下澤車

仲勤與僕同年

烟檻風湍想勝遊新秋蓮芡及旁州先生對影招明月

政得加餐慰少留

眼看玉食禍無鄉更卜幽居學仲長但遣有年供脫粟

白頭終不願膏粱

自嗤郎罷用心迂  
飢坐呼兒課古書  
只準高軒它日過  
令吟交翠織華裾

康侯蚤日共周旋  
筆勢翩翩兩鬬妍  
乞與西山一丸藥

坐令風翮更超然

康恭叔嘗預仲勤解送今錄  
席下亦喜作僕字劄詩語

賦一首

竹林泉賦

王子遊臺山既賦焉  
明日過竹林挹飛泉而樂之曰是

可與滔滔者同羣別為竹林泉賦

北山高寒水不濡谷至花湓泓育王絕續王子決奇觀  
於八表縱遐武於千仞獨相羊而永歎揖天潢之流潤  
曾去此之幾何顧波瀾其誰各客有從余者曰夫子未  
覩竹林之水盍往觀耶繚松麓之右界面金字以直出  
振杖行嘯山空響答虎豹遁莽龍蛇驚蟄歔霽霧之褰  
駁晚崩崖之却立瀑布淙瀉林岫辟易雷破斧而木碎  
紛其雜雨電也星掣旗而石隕燿其曳芒角也風駘電

策蠓略碎磕旄旒驅鐘鼓奮作其羣帝馭氣而狩斯乎  
縞裙練悅續綸襃積烟霏與衝璣貝狼籍其列真踏月而  
下嬉乎亂流赴溪竅石逶迤衝牙玉珮嘈雜爭馳被草木  
之鮮滋蔚雲物之瑰奇蹇淹留而下上耿夕露之霑衣揚  
余袂而欲仙前洪喬與為期客曰自有天地即有此泉邁  
日月以俱邁夫子將安取旃客學詩乎詩曰崧高維嶽峻  
極于天維嶽降神生甫及申山川之秀傑豈無與於吾人  
故曰石而不泉則山不聲周勃霍光汾陽臨淮未免於無

丈泉而不飛則聲不偉鄒侯平陽房喬如晦不優於制  
禮嘗與客躡隣斗之高標臨掛壁之跳波超萬累以獨  
遨俯一氣之同和立南榮而視余髣髴余之謂何將不  
但夫金堂石室虹蜺光景之異丹砂瑟瑟芝草葩卉之  
多者矣若乃一拳巖峯羣潦鍾聚氣偏產毒物恠藏蠱  
峭薄喧飀尚奚足顧彼謫仙之飛流與漫翁之水樂寧  
亦有是也哉客退然曰僕何足知之



[illegible]